

Lesson 11

11.1 Reading

455. Her Hengest and Horsa fuhton wið Wyrðgerne þam cininge on þære stowe | þe is cweden Ægelesþrep. And his broðor Horsa man ofsloh. And æfter þonn feng to rice Hengest, and Æsc his sunu.
456. Her Hengest and Æsc gefuhton wið Bryttas on þere stow | þe is gecweden Crecganford | and þer ofslogon .iiii. werad. Þa Bryttas forleton þa Kentland and mid mycclum ege flugon to 5 Lundenbyrig.
465. Her Hengest and Æsc gefuhton wið Walas neh Wippedes fleote and ðær ofslogon .xii. Wilsce ealdormen, | and heora an þegn wearð þær ofslegen | þam wæs nama Wipped.
473. Her Hengest and Æsc gefuhton wið Walas and genamon unarimenlicu herereaf. And þa Walas flugon þa Englan swiðe þearle. 10
477. Her com Ælle on Brytenland and his .iii. suna Cymen and Wlencing and Cissa mid .iii. scipum, on ða stowe | þe is genemnad Cymenes ora, | and þær ofslogon manige Walas, and sume on fleame bedrifon on þone wudu | þe is nemned Andredeslege.